

SAXOVATPESHA INSONLAR HIMMATI



SAXOVATPESHA INSONLAR HIMMATI

Bahor fasli kelishi bilan tumanimizda hasharlar mavsumi ham boshlanadi. Obodonlashtirish va ko'kalamzorlashtirish maqsadida So'xning har bir mahallasida fidoiy insonlar hasharga chiqishadi.

Yangiariq mahalla fuqarolar yig'ini raisi, tuman Kengashi deputati Amirali Safarovning so'zlariga ko'ra, bu udumga yangiariqliklar o'zgacha yondoshib, mehnat qiladilar. Chunki bir haftadan ortiq vaqt davomida mahalla arig'ini tozalashga hashar tashkil etildi. Mahallaning aksariyat fuqarosi bu ishga qattiq bel bog'lab, mehnat qilishdi.

Ayni kunda esa, mahalla ahli hudud qabristonida yana bir xayrli va savob ishni bajarishayotir. Yangiariq mahallasi qabristoni obod etilib, bu yerda yangi shiyponlar barpo etilmoqda.

- Mahallamiz ahlining yakdilligini tuman hokimi Sayidbahrom Sayidmusayev ham o'z ko'zlari bitlan ko'rdilar. Sahovatpesha insonlarga nisbatan minnatdorlik bildirgan tuman hokimi biz bilan qabriston hududiga terak ko'chatlari o'tqazdilar. Terak qalamchalari ekilishida ham hamrohlik qilishdi. Albatta, bu daraxtlar ko'kka bo'y cho'zib, daraxtlarga, azim daraxtlarga aylansa, olingan yog'ochlar yangi binolarga va moddiy manfaatdorlik mahalla muammolarini hal etilishiga yo'naltiriladi, - deydi mahalla raisi.

Ayni kunda tumanimiz uzra "yashil makon" umumimilliy loyihasi izchillik bilan davom etmoqda.

So'x tumani hokimligi Axborot xizmati

2022-04-04 12:21:25